



DEO OPTIMO MAX.
UNI ET TRINO.

VIRGINI DEIPARÆ, ET S. LUÆ
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
manè discutienda, in Scholis Medicorum, die Jovis 21.
~~decima-quarta~~ Februarii M. DCC. XXXII.

M. PETRO AZEVEDO,
Doctore Medico, Præside.

An in Inflammationibus, Kermes Minerale?

I.



ANGUIS vitæ fons, vitam ipse destruit, si suis vix re-
tentus limitibus, alias sedes occupare tentat. A centro ad
periphæriam, ab extremis arteriarum capillamentis in venas,
purpureus ille latex, indefinenti motu propellitur. Variis
humoribus conflatur cruor. Cuique à Naturâ concessæ sunt
humori sedes. Hic sanguis globulosâ lymphaticâque constans
parte, lympham tantùm deponere amat; limpidus ille humor subtilitate
suâ lubricus, permeat vasa cruori verita. Illic globulosa sanguinis pars
venas appetens, præterlabitur. Frustrâ lymphæ canales, sanguineis inocu-
lantur, aditus rubro denegatur sanguini; instat *Systoles* frustrâ, vasa lym-
phatica nunquam subibit sanguis; venas adit, & valvulis sustentus, Muscu-
lorum vi adjutus, pedissequo sanguine propulsus, venarum ipsomet motu

compressus, Cordi refunditur, ut inde possit novis luxurians viribus, iterum atque iterum suas obire functiones, redintegrare motus. Quot nobis ex hoc legitimo circuitu bona! Sed si leges indocilis pati sanguis, suis æstuat in limitibus, quot undique sæviunt malorum irritamenta! Liqueor nullo ordine servato, currunt quo nefas est ire, impetum vix sustinent Vasa, accenditur Bilis, debacchatur Sanguis, avolat Lympha, quo fugere? Ab Altissimo creata succedit nobis Medicina; ea cuique morbo suum apponit remedium, humorum exagitationi, sedans & reprimens, succorum leu-
tori, actuosum & fuscitans, fibrarum sedat spasmos, fluidorum temperat furores, depressum solidis restituit tonum, liquidorum sustinet *κρᾶσις*. Ea non huc illuc per omne remedii genus oberrat, nil ratum certumve obtinens, sicuti imperita vulgi stoliditas. Ea rationis ope videt, auxiliante experientiâ agit, studio & usu edocta, in morbis omnibus tuta & certa tantum adhibet remedia.

I I.

*Ecclesiast. c.
30. v. 15.*

*Heist. comp.
Anat. p. 10.*

*E*X quo homo deliquit in conspectu ejus qui fecit illum, Morborum pullula-
runt fontes, innumeris penè malis obnoxia fuit Gens humana; sævis-
sima sanè omnium inflammationes. Inflammatio est sanguinis intrusio in
vasa lymphæ dicata. *Vasa lymphatica sunt canaliculi pellucidi, liquidum tene-
rent aquosum à partibus revehere nati.* Si violentiori actus impetu sanguis,
hosce canaliculos permeare satagit, ipso momento æquilibrium ex quo sa-
nitas proximè emergit, subvertitur, sanguinis præsentia vasorum destrui-
tur tonus. Interea sanguis audax omnia pervadere, cæco pede premit cur-
sum, viam non invenit ob vasorum spasmus, firmamque humorum in
minimis vasis ingurgitationem. Quis tunc in liquoribus progressionis, flui-
ditatisque motus? Quanam in vasis *Systoles* vel *diastoles* norma? Febris ar-
det, pulsat lancinans dolor, exagitur æger, mens semper irrequieta tur-
batur, omnia rejicit, suspirat, aërem exoptat, frigida exhaurire amat,
lingua arida & aspera exploranti digito sentitur, vehemens est Præcordio-
rum æstus, alvus sicca, urina parcior, atrocissima tunc undequaque sym-
ptomata. Causas investigare cupis? Quidquid potest sanguinem vel citius
impellere, vel illico compescere. Ad sua munia sanguinem revocare medi-
tari? Vasorum removeatur spasmus, minuatur humorum deviantium im-
petus. Hinc sanguis largâ manu & festinanter detrahendus, & ab ægrâ parte
omni quo possis modo auferendus. Sed ex usu Kermes mineralis tot &
tanta sperari ne possunt? etsi præmissarum evacuationum beneficio ad se re-
dire videatur æger; anguis latet sub herbâ, cineri dolofo sopitus est ignis,
pulsus languidus modo tamen renidet, interdum apparent renascentis do-
loris vestigia, à sulphure stibiato rubro-sulphurea pars sanguinis caveas ne
fiscitetur, exagitationis reformida scintillas, silentium non motus requiri-
tur, magnitudo morbi tenuissima, febris & inflammatio refrigerantia ex-
postulant medicamenta.

I I I.

* Glauber
miraculum
mendi.

* Lemery
Traité de
l'Ant. 1707.

*K*ERMES minerale, præparatio licet * jamdudum cognita, à quibusdam
tantum annis usurpatur. Sulphurea est pars à stibio ope salis alkalinii
fixi educta. Sulphur nihil aliud est quàm multiplex vesicularum congeries
igneam materiam concludentium. Adhibetur hodiè Kermes in omnibus ferè in-
flammationibus, Pulmonum, Abdominis, faucium, &c. Lympham præsertim

attenuat. Sed in inflammationibus vitium ne est in lymphâ an in sanguine?

Morbi quos vel sanguinis ubertas, vel eruptio progenit, sunt Phrenitis, Ophthalmia, Angina, Peripneumonia, ... omnium denique partium inflammationes dictæ Græcis

Fernel. meth. Med. lib. 2.

*ἐκφυγῶνται. * Morbi inflammatorii stases sunt sanguinis. In inflammatione quid præstat Kermes minerale? Fibras ne rigidas ac tenfas humectando relaxat? Motum*

*6. 5. * Evid. Hoff. t. 3. cap. 3.*

intestinum partium sulphurearum in sanguine figit ne ac complacat? Nil sulphure inflammabilius, nil aptius ad inflammationem suscipiendam quàm sanguis. Exerit ne virtutem antispasmodicam Kermes? Pulsum explora, jam jam exagitatus sentitur sanguis, arteria valida & fortis digitorum tangentis repellit, reviviscit fortius febris; ne insensili confidas perspirationi, vigente inflammatione nimius est vasorum spasmus. *Omne membrum dolens ac inflammatum contrahitur, simulque pertrahit omnia sibi connexa atque colligata, pungit dolor, sibilat anhelans spiritus, ad missiones sanguinis recurrendum, sin minus fatalis extinguescenda Sideratio, sin minus sanguis qui impedita frangere non potest Stasis afficitur, serpit sphacelus, mortemque prænuunt.* Nonne symptomata sedare, sanguinem pacare, quàm exagitare tutius foret.

Menjotii Dissectiones de Pleuritide, p. 182.

I V.

NATURA morborum medicatrix, inflammationes, aut suppuratione, aut resolutione sæpissimè curat. Suppuratio est conversio sanguinis in liquorem album, quem pus vocant. Resolutio est quædam criseos species quâ morbifica auferitur materia, per alvum, urinas, vel per alia corporis emunctoria. Interdum inflammationes *Metastasi*, sæpius suppuratione absolvuntur; ut hæc perficiatur, systaltica vis vasorum maximè proficit. Fluidorum recreandus est motus, sed non adaugendus; Natura adjuta viget, coacta prostratur; rumperentur vasa, si citatori motu donaretur sanguis, nullus ordo foret nec æquilibrium. Febris semper adest, & motus sufficientis est signum. Kermes minerale, & fluida exagitat, & solida tensione afficit. Sulphur est, & rarefactione suâ sanguinem protrudit, impulsione sanguinis adaugetur inflammatio, ex quâ pendet symptomatum ferocia. Quin immò non-ne nobiscum exclamat experientia? Ager maximâ febre, tussi continuâ, sanguineo sputo laborat, instat dolor in latere pungens, spirandique difficultas; 7^o morbi die omnibus frustra adhibitis remediis, in eo devenit statu, ut abdomine tumido, & spuris suspensis, pulsu ferè careret. Lumina obvelantur, nec vox nec sensus vigent, omnia jacent submissa. Ciendus est sanguis, suscitanda sunt vasa; Kermes propinatur, & sensim sine sensu inductâ sanguinis rarefactione vegetant arteriæ, scintillant vires, Natura juvatur, apparent excretionum molimina. Ast in morbis inflammatoriis, in morbis in quibus febris ardet, dolor lancinat, corporis adest incendium, usus sedantium semper prævaluit. *Frigidis utendum est in morbis unde fluit, aut fluxurus est sanguis. * Ubi morbus peracutus est, extremè tenuissimis uti necesse est.* Adeo constat inflammationum curationem, à solâ sedatione pendere.

M. Lemery Mem. de l'Acad. des Sci. 710.

*Hipp. sec. 5. v. 25. * Id. sc. 13 v. 7.*

V.

KERMES ab inflammationibus arcendum dubitas? De illius effectibus quid est certi? modò vomitum ciet, modò alvum, modò urinas, de dosi nil statuendum. In morbis acutis, in morbis quos præcisus circumferibit dierum numerus, terendum ne est tempus in præscribendis infidelibus remediis?

Efficax ut sit Medicina, eniti semper debet Medicus. Dices sanè inflammatio est sanguinis vasa minima obstruentis ingurgitatio, nihil est potentius in obstructionibus, quàm sulphur rarefactionis capax. Equidem, sed duplex est obstructio; à *Stasi* & à Stagnatione. *Stasis* à citiori, Stagnatio à perditio liquorum motu pender. Hic solidorum est spasmus, illic *atoniam*, hic vires compescenda, illic suscitanda. *Stases* Curatio non in eo consistit, ut, qui jam propulsus est extra sua vasa sanguis, fortius protrudatur; magnis evacuationibus cogi debet cruor viam suam relegere, & in sua se conferre vasa. At Kermes minerale fluida exagitando, ita *Stasim* adauget, ut regressus omnis denegetur. In obstructionibus verò à stagnante & paludante fluido, Kermes incendiariis suis partibus ignem & motum præ se ferens, fluida ad circulationem promovebit, vasorumque fugabit *atoniam*. Instabis, interdum vividam expetunt concussionem vasa, ut morbi vim proprio marte possint excutere, interdum irritare, quàm sopire malum satius est. Assentimus, sed innumera penè sunt alia remedia quorum certissimi sunt effectus, si materia turgeat, si quid movendum sit, moveas, sed moveas tutò, ne præbeas medicamentum quo non semper sublevetur Ager, à quo morborum causæ, nedum fiantur, alacrius ad devastationem impelluntur.

Non ergò in Inflammationibus Kermes Minerale.

DOMINI DOCTORES DISPUTATURI.

M. Ludovicus - Hieronymus Cosnier.

M. Ludovicus - Joannes le Thieullier, Regis Consiliarius, & in Majori Consilio Medicus ordinarius.

M. Nicolaus le Roy de Saint Aignan.

M. David Vasse, rei herbariæ Professor designatus.

M. Andreas - Josephus Scron,

M. Thomas - Renatus Gafnier.

M. Petrus Azavedo, actus Praeses.

M. Joannes Herment, Medicus Regis ordinarius.

M. Jacobus Fourneau.

Proponerebat Parisiis JOANNES-BAPTISTA CHOMEL
DE JOINVILLE, Parisinus, Baccalaureus Medicus,
A. R. S. H. 1732. à sextâ ad meridiem.